



Broj: 11-19-11-2-2862-I/25

Datum: 07.10.2025.godine

Na osnovu člana 43. i 45 stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavke za 2025. godinu, v.d. direktora Federalne uprave policije, d o n o s i:

### ODLUKU

o izboru najpovoljnijeg ponuđača u postupku Javne nabavke usluga osiguranja novih motornih vozila za LOT 1 - Osiguranje BOV-a

1. Prihvata se prijedlog Komisije za provođenje otvorenih postupaka nabavki u postupku Javne nabavke usluga osiguranja novih motornih vozila za LOT 1 - Osiguranje BOV-a, te se Ugovor dodjeljuje ponuđaču Sarajevo-osiguranje d.d. Sarajevo, prema Ponudi broj:01-6867/25 od 23.09.2025. godine, po ukupnoj cijeni u iznosu od 17.312,71 KM i rokom isplate štete od (1) jednog dana.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Ova Odluka objavit će se na web stranici Federalne uprave policije [www.fup.gov.ba](http://www.fup.gov.ba) u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14 i 59/22).
4. Za izvršenje Odluke zadužuje se Sektor za finansije i javne nabavke.

### OBRAZLOŽENJE

Federalna uprava policije je provela otvoreni postupak Javne nabavke usluga osiguranja novih motornih vozila, po Obavještenju o javnoj nabavci broj: 1412-1-2-251-3-155/25 od 05.09.2025. godine, objavljenom u "Službenom glasniku BiH" broj: 54/25 od 12.09.2025.godine.

Procijenjena vrijednost Javne nabavke usluga osiguranja novih motornih vozila za LOT 1 - Osiguranje BOV-a, iznosi 29.207,00 KM.

Dana 26.09.2025.godine, Komisija za provođenje otvorenih postupaka nabavki za 2025. godinu izvršila je radnju Otvaranje ponuda za Javnu nabavku usluga osiguranja novih motornih vozila koja je podijeljena na LOT-ove, o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN BiH.

U postupku pregleda i ocjene ponuda za Javnu nabavku usluga osiguranja novih motornih vozila za LOT 1 – Osiguranje BOV-a, Komisija je utvrdila da su za navedenu nabavku do određenog krajnjeg roka za dostavljanje ponuda pristigle dvije (2) ponude i to: Ponuda ponuđača Sarajevo-osiguranje d.d. Sarajevo broj: 01-6867/25 od 23.09.2025.godine sa ponuđenom ukupnom cijenom u iznosu od 17.312,71 KM i rokom isplate štete od (1) jednog dana i Ponuda ponuđača Adriatic osiguranje d.d. Sarajevo broj: 104/25 od 24.09.2025.godine sa ponuđenom ukupnom cijenom u iznosu od 28.403,10 KM i rokom isplate štete od (1) jednog dana, kao i da su ponude navedenih ponuđača formalno-pravno ispravne i ispunjavaju uslove tražene tenderskom dokumentacijom, te kao takve za ugovorni organ prihvatljive.

Komisija je u postupku pregleda i ocjene ponuda utvrdila da je navedena ponuda ponuđača Sarajevo-osiguranje d.d. Sarajevo za više od 20 % niža od cijene iz ponude drugorangiranog ponuđača Adriatic osiguranje d.d. Sarajevo, te je pismenim putem u skladu sa članom 66. ZJN

BiH, tačkom 39. Tenderske dokumentacije i članom 17. Uputstva za pripremu modela tenderske dokumentacije i ponuda od ponuđača Sarajevo-osiguranje d.d. Sarajevo zatražila pismeno obrazloženje neprirodno niske cijene ponude.

Sarajevo-osiguranje d.d. Sarajevo je aktom broj: 01-6867/25 od 03.10.2025.godine dostavilo pismeno obrazloženje koje je Komisija prihvatila, te su navedene ponude ponuđača Sarajevo-osiguranje d.d. Sarajevo i Adriatic osiguranje d.d. Sarajevo ocijenjene kao formalno-pravno ispravne i da ispunjavaju uslove tražene tenderskom dokumentacijom, te kao takve za ugovorni organ prihvatljive.

Komisija je u svom radu u skladu sa članom 64. ZJN BiH i tačkom 21. Tenderske dokumentacije izvršila vrednovanje pristiglih ponuda za Javnu nabavku usluga osiguranja novih motornih vozila za LOT 1 - Osiguranje BOV-a, kako slijedi:

| Redni broj | PONUĐAČ                           | Cijena na javnom otvaranju (90%) | Rok isplate štete (10%) | Ukupna cijena za ugovor | bodovi <sup>1</sup><br>G=C+P |
|------------|-----------------------------------|----------------------------------|-------------------------|-------------------------|------------------------------|
| 1.         | Sarajevo-osiguranje d.d. Sarajevo | 17.312,71 KM                     | 1 dan                   | 17.312,71 KM            | 90+10=100                    |
| 2.         | Adriatic osiguranje d.d. Sarajevo | 28.403,10 KM                     | 1 dan                   | 28.403,10 KM            | 54,86+10=64,86               |

Komisija je u svom radu utvrdila da je ponuđač Sarajevo osiguranje d.d. Sarajevo za Javnu nabavku usluga osiguranja novih motornih vozila za LOT 1 - Osiguranje BOV-a, dostavio kvalifikaciona dokumenta tražena Tenderskom dokumentacijom broj: 11-19-11-2-2862/25 od 29.08.2025.godine.

Rukovodeći se kriterijem ekonomski najpovoljnija ponuda i ispunjavanje svih traženih uslova (u skladu sa članom 21. tenderske dokumentacije), Komisija je u skladu sa članom 70., ZJN BiH predložila da se za Javnu nabavku usluga osiguranja novih motornih vozila za LOT 1 - Osiguranje BOV-a, donese Odluka o izboru najpovoljnijeg ponuđača i ugovor dodijeli ponuđaču Sarajevo-osiguranje d.d. Sarajevo, prema Ponudi broj: 01-6867/25 od 23.09.2025. godine, po ukupnoj cijeni u iznosu od 17.312,71 KM i rokom isplate štete od (1) jednog dana, što je konstatovala u Zapisniku o pregledu i ocjeni ponuda od 02.i 07.10.2025.godine.

Razmatrajući prijedlog Komisije, v.d direktora Federalne uprave policije donosi Odluku kao u dispozitivu.

#### Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

V.D. DIREKTOR  
(Načelnik SKP-a)  
GLAVNI INSPEKTOR

Vahidin Munjić

Dostaviti:

- Sektor za finansije i javne nabavke
- ponuđačima
- u spis